



蘭江集卷之三

黎陽王在晉明初甫著

五言絕句

山居晏起

暉
醒鳥驚殘夢花飛撲寢幃
昨因遊意倦不復愛朝

西山歸

野僧偏戀客山水怕人稀
流水隨君往青山去復
圍

行路難

生憎流光速間來不自知今為行路客纔覺日遲遲

野館

欹枕聽寒柝殘燈伴雨聲獨眠孤館夜都是斷腸情

冬夜泊嘉興

去歲廣陵酒今宵攜李鐘客身長似寄四載未知冬

題倒插梅

一種冰霜骨群瑤獨占春朦朧仰織月插地不沾塵

題僧畫

蒲團一片地桑海幾凋枯不見山中火胡麻熟也無

贈僧遊五臺

一入清涼界山頭煙火稀寒雲來滿袖去補老僧衣

望湖亭

掬水當軒落天光入檻浮蘭橈何所極終日亂鳧鷗

山寺

煙雨前朝寺吳山幾度秋年年看草色空白老僧頭

秋夜閨思

獨坐涼如洗悠然寐未成莫教郎去遠明月寄幽情

題冬景

枯木隱寒鴉山中只一家懸崖春不到牕外少梅花

七言絕句

漢宮詞

閑花寂寂擁長門簾捲東風逐淚痕自是玉塵飛不到獨留青燕伴黃昏

塞下曲四首

秋風鼙鼓海天悲絕漠寒煙拂暮帷一片鄉愁伴

涼月不堪胡虜泣闕氏

白日悲風胡馬嘶寒衣遠送暮雲低獨有漢王臺
上月今宵寂寂照關西

挾彈腰弓鐵騎飛長林草盡兔狐稀那堪落葉吟
風舞吹得征人淚滿衣

二十從軍皓首催壯顏落盡海西隈只今猶作關
山夢五夜淒涼月下迴

聞笛

三弄青宵曲未終楚天嘹唳落孤鴻斷腸暗洒它

鄉淚牽惹離情入夢中

孤鴈

止愛上林春色暖天涯兄弟獨離群冥冥不似尋
行鳥一羽逍遙萬里雲

七夕閨思

為憶仙郎意自知佳辰強對恨離離今宵不比他
年月定是停針不語時

別懷

秋老年光迅欲移別離許久動生悲床頭小兒換

顏色邂逅相看知是誰

路遇九日

誰把茱萸插鬢邊
江關客興倍依然
狂風任地能
吹帽猶憶凭高是去年

長途偶成

孤劍逍遙萬里遊
烏悲花落客驚秋
晚來滴盡楓
林淚搔首風塵半白頭

山村

山郭嶮崎萬戶春
野人鹿豕共成鄰
相逢馬首隨

為別琴劍依依是故人

趙州大石仙橋二首

仙人一去知何適
此地空餘大石橋
冷眼呵呵看
世上乾坤萬里集
鷓鴣

逆旅前朝幾百秋
塵寰蹤跡等浮鷗
只今橋上荒
碑在野水無情空自流

王莽城

蕪城終古集昏鴉
草色淒淒落日斜
兵燹且看銷
骨盡居人誰識篡臣家

送別黎陽二首

天南寥落故鄉親
匹馬西風浪逐塵
自是三盃和淚別
隨行惟有舊時人

寒宵冷烈鴈排雲
嘹唳飡風不耐聞
何處故鄉今夜夢
天涯南北又離群

秋夜聞笛

空山清籟帶蛩吟
茅屋淒涼急暮砧
撩亂滿腔秋氣動
梅花三弄不知音

江樓懷古

一水中分豁地開
兩山湧出自天來
南朝多少興王事
盡付江流去不迴

贈素梅

輕盈凍玉噴幽香
黯淡疎煙襯曉粧
無限春風吹不盡
幾番暗引入蘭房

過豫讓祠

前後為臣只一身
後來端不愧純臣
可憐俠骨酬知己
已知已于今有幾人

至日閨思

偶逢長至悵離居人在天涯歸未期百結更添愁
一線思君懶遇日長時

盱眙懷古

山頭雉堞碧嶙峋白霧橫江傍午晴興歇可憐兵
燹地盱眙荒雨有頽城

過盱眙訪友

阻泗依山半市斜石街度嶺有人家故人千里家
何處遙望前村隔水涯

長門怨

玉露凋殘一葉秋月明金屋思悠悠多情最是長
門地獨解嫦娥徹夜愁

塞下曲

今年花盡始從遊明歲花開莫暫留此日與君容
易別莫將花柳寄邊愁

老媪

對鏡龍鐘鬢若絲少年罨黛蜜塗脂昨宵謾得傷
春夢疑是閨中未嫁時

彭城懷古

彭城古道夕陽斜燕子樓空半水涯吹罷楚歌行
去盡王孫芳草自年華

涼州曲

解籜風寒拂面吹玉關一去鬢成絲胡笳淒涼悲
夜月何人重唱竹枝詞

冰河

馬跡冰河人渡過寥寥孤艇一漁簑迷津自是無
人問為問村醪覓幾多

雪中偶成

山寒一夜報花知玉樹凋殘盡壓枝悵望離宮千
古寂亭亭松栢晚風吹

雪

化工自弄無心巧六出奇花任地飛只有一般均
不到長安貧者尚無衣

驅車婦

金蓮簇步擁車輪力怯東風倦後塵對面逢人羞
問路不羞郎見却羞貧

細柳懷古

按轡曾遲天子車
將軍事業竟何如
英雄盡說麒麟閣
漢地山河百戰餘

臘盡

殘臘催寒感歲華
斗南迢鬱是天涯
莫言北地無春色
上苑曾看二月花

戲陵分祭夜雨同楊太常宿齋堂二首

齋房肅沐正黃昏
雨急山空自閉門
天樂遙聞供奉曲
夜深悽愴玉鑪燔

淒風送雨鎖深堂
輦道平蕪擁寂廊
日暮稜恩供

近御白頭宮宦侍
先皇

征途雨霽

時雨初晴綠暗谿
陰濃夾岫鷓鴣啼
春風幾度堪惆悵
雲樹蒼茫易水西

關山懷古

一卷春秋偃月刀
中原百戰笑孫曹
可憐踏破關山地
殘燼風前淚滿袍

僧寺

雙崖倒插石門懸
掃葉烹茶甕吸泉
為問六朝煙

雨寺老僧不識是何年

冬日臨望湖亭

湖上孤亭亭外山
凭欄風景四時攀
清霜未減丹青趣
木葉蕭蕭水自潺

湖心亭

一掬清泓兩架山
浮雲流水意間關
多情最擬亭前勝
遙落湖天隔世寰

與柴鴻臚賞湖亭有懷

慘淡平湖萬頃山
夾堤煙柳水灣灣
芳亭堪賞還

堪悵花月春秋鬢
自班

登孤山至和靖放鶴亭

淡月梅花淺水洲
仙人亭榭倚岩浮
孤山盡入千秋夢
野鶴歸來向晚愁

訪隆福若虛上人
不遇

瓢笠東游過弇山
僊源隔徑是禪關
叩門只有松陰在
携得雲光滿袖還

山房新梅

蕭疎姿骨自傾塵
兩兩南枝欲效頻
煙月曉窓破

僧臘三分遜雪一分春

挽僧

劫灰幾變人間世苦海何知長碧蓮花月待圓清
夢杳夜臺千古有荒煙

僧房聽琴

一曲清絃夜月深梅花窗外有知心空門靜鎖無
人到搖落杉風合梵音

山房分韻得茶字二首

寥落天風遍雨花叢林深處少人家平蕪隱隱迴

廊寂採藥歸來夜煮茶

散步東林問落花隔溪人靜兩三家漁郎甚地能
隨到饑後胡麻渴後茶

秋日郊行二首

芒鞋竹杖度平橋蘿薜陰陰古木饒世事幾番秋
葉墮白鷗終日任隨潮

蒲葦秋水點蘋花落照江干逐徑賒野老俗情渾
不染倚門相與話桑麻

過淮雲口贈老衲

崔嵬肉骨長空門半壁編籬郭外村混沌未明超
世劫夜深寒月照崑崙

長途春感二首

竹篠行竈便為家野郎逢人問歲華聞道江南春
事半木蘭花發在天涯

渡頭小雨點輕埃泛泛滄波緩棹來幾度春風吹
客鬢但憑消息報梅開

感遇

雙雙野老唱牛歌手把鋤犁草作簑世事萬般渾

不解門前車馬問誰過

旅感

暮雨鐘深涉磻谿晨炊早報五更雞那堪又作江
南夢衾枕生寒聽鳥啼

題夢覺堂二首

一點丹成萬劫空仙人大藥幾能逢分明百歲人
間世盡在浮沉一夢中

箕路看他我獨閑誰將塵轍叩仙關道童莫向廚
頭爨猶恐游人在夢間

送徐秘書至梁楚頌 遺誥二首

五陵秋色滿燕山夢裏丹書淚欲潛送客幾回須
盡醉不堪無酒度陽關
井梧涼月殿生幽楚水梁山夜夜秋自是郢中無
絕調王侯腸斷不勝愁

沙河戍屯

夜析迎風睡馬鞍羽林衣甲出長安可知青海城
頭月此地猶餘九月寒

過飛來峯四首

三天名勝擁靈峽峭壁重門忽自開似是龍神能
點化不關風雨夜飛來

鷲峰奇絕迥崔嵬為問何方失却來去住無人覓
蹤跡還疑飛送自蓬萊

層巒何處度南州兀落湖濱點勝遊世事由來嘆
蓬轉靈山却也去還留

寺僻山空日偃扉百靈爭識護禪機乾坤洞裏元
無盡莫似當年任地飛

途次偶成

離思茫茫逐遠旌
寒帷色色戀風情
晝長偃息渾成寐
牧笛一聲午夢醒

古廟

青蓮廢葉介荒原
苔蘚平蕪滿綠痕
只有夕陽遮不住
還留一半照空門

采蓮

北地纔聞唱采蓮
棹歌深處綠楊煙
今宵定作江南夢
夜思清清月正圓

古驛二首

燕齊幾度謁金微
候吏相逢識者稀
風物只今渾不改
黃塵依舊逐人飛
次第離亭似轉蓬
謾隨去住惜行蹤
人生萬事如傳舍
今昔元同一隙中

夜行

夜深乘醉控絲鞭
透葛新涼帶野煙
嚮導不須村照近
一輪明月馬頭懸

過官橋孟嘗君養士處

東海雄風擅七強
但憑俠節寄興亡
三千門下知

何處留得官橋紀孟嘗

過叔孫通習禮處二首

習禮當年自叔孫漢家制度燦然存
元功只說蕭何在四百誰令天子尊
中原得鹿竟亡騅馬上功成一不美
儒龍準豈緣綿蕞重漢廷徒自襍秦儀

過滕懷古

霸國雄爭百戰餘提封五十欲何如
縱有井田成底事只今齊楚也成墟

途次有感

暗綠重陰夾道開青絲高控捲塵埃
幾多無限堤邊樹半是當年過後栽

月夜懷鄉

蟋蟀吟風枕簟寒樓頭鐘鼓伴更殘
可憐北地荒涼月疑是關山一樣看

漳沱懷古

太行西度萬峰浮沙漬鳴湍水自流
河朔幾回戎馬地漳沱猶帶漢時秋

王解元辰玉北上問伯諸兄偶有贈言屬余
續之四首

秋水為神玉為骨天香不染真超忽浮丘僊子點
丹霞搖落風塵映寒月

秋水為神玉為骨默默凌風思超越調人無那損
冰姿知情獨向梅花發

清霜片片減香肌欲禁閒情不自持金屋未成儂
有恨獨留蘭珮解相思

清霜片片玉為粧芳草王孫引夢長夜靜廣寒明

月冷輕盈猶帶露華香

釣臺懷古二首

曲曲灘頭泛綠漪山中曆日漢時遲雲臺荒草無
尋處留得桐江線一絲

白髮垂綸歲月徂紫微高照客星孤故人不是功
名薄此日炎灰問有無

宿接筍峰天游觀夜雨

筍峰三接夜生寒低落懸河霧欲漫閉戶不愁風
雨至雲霄高處覺身寬

過大橫清風嶺

巒尖壁削向天開
晴邏遙分紫氣來
此地不由人力到
斷雲飛鴈也應迴

夜宿九仙閣

靜夜松風夾怒濤
灘聲到枕聽嘈嘈
醒來勘破浮生事
鶴唳半天山月高

途次對月

野市招搖醉濁醪
西風回首鬢重搔
逢人盡作他鄉別
白苧歌殘月漸高

吳門餞別

江上孤帆聽榜歌
暮雲斜日興如何
不須把酒頻頻勸
別酒由來不任多

閨思四首

高捲珠簾燕子斜
含情默默對榴花
日長晏起無此事
惟向窓前繡碧紗

羅衣輕軟怯春寒
鴈去天邊絕羽翰
桃李自開還自謝
獨眠人起倚欄干

登樓頻望歎春歸
坐看飛花自剪衣
計日數程行

去遠陌頭楊柳綠依依
一從別去望長安欲見何由撇却難隱几不言愁
黯黯無人知覺帶衣寬

暮春遣興二首

櫻桃半熟色如酣梅子青青待種蠶自是別來春
漸老但憑風雨過江南

三月晴和日較遲長安道上草離離柔風吹散千
條綠落盡楊花聽子規

長干行二首

芳原挾騎恣淹留春老催人不自由竟日長楊看
不盡平沙漠漠大溪流

亂雲飛鳥自成行荒堡迢遙引路長望裏青山依
舊在路岐終日為人忙

過睢陽二忠祠二首

剛腸百鍊死為盟吞盡狂胡氣未平不是二公能
却戰可知海內少堅城

兩河甲冑勢如燭胡馬長驅殺氣渾聞說唐家能
養士江淮寥落二忠魂

銅雀臺二首

高臺回首望時頻
明月橫江賦尚新
假使周郎能解意
至今銅雀不成塵

河北江南愛一頻
蛾眉嬌絕不勝春
東風任地能經戰
猶作銅臺夢裏人

臺城

綠樹分行古陌晴
平沙漠漠野煙生
荒臺寥落無人識
閒說當年避暑城

過呂翁祠

來如流水去如萍
長日昏昏睡杳冥
似是黃梁猶未熟
不關人世夢難醒

途次口占

物華經眼逐時新
客路傷春又一春
不似淵源滋味重
世間應有倦遊人

潯沱河

野渡無舟水自寒
故令真主識艱難
當初不是潯沱飯
誰識人間麥可餐

高唐夜宿二首

書行三舍夜停驂下馬微嘗竹葉酣霜落滿庭如
雪白一輪明月在唐南
躡屐追塵接踵忙郵亭到處是離場可憐孤鴈淒
荒月嘹唳關河萬里霜

冬日途中卽景

短照殘年引路長凍雲寒柳接天荒西風恁地能
催客一夜衰楊葉盡黃

過孟嘗君養士處六首

直入強秦探虎還孟嘗名重七雄間三千門下無

完計惟藉雞聲得度關

抱首歸來擬上功相隨齷齪盡稱雄若令狐白終
難致上客馮驩智亦窮

結客名聞朱履繁薛家延攬勝平原由來座上無
真士虛負當年豢養恩

客能叢食未投艱一二知名亦可刪仗劍歸來見
齊主誰令壯士盡生顏

膽落秦廷懼劫威殺函一啓馬如飛關門固是聞
雞早猶幸秦人緩縱歸

俠客歸齊食指稠盡人抵掌說封侯何來狗盜尤
稱狡此是當時第一流

過沙溝

大造何方不是春鑪錘陶鑄過來新一自杏壇漸
染後無絲知是互鄉人

彭城

蒼山影裏水雲樓縹緲孤城隔大流目斷青徐是
歸路滿林楓葉下南州

戲馬臺懷古二首

馳馬咸陽禡祖龍八千人衛楚重瞳無端一夜秋
風起慷慨悲歌悵下空
錦衣歸來日向東功成眼底失英雄何人夜半能
吹笛驚散離筵曲未終

途次苦風二首

朝來醺酒頰微紅睡醒驚看日正東似是苦寒偏
妬客遠行人起早淒風

沙明水溜響潺潺盡日追風夜扣關一自清霜拂
眉目天涯無復好容顏

舟次雲陽夜行

扁舟逐浪渡江灣紅葉蒼山點點班一夜九迴殊
是夢棹聲飛送到家關

楊柳詞

雲滿天低午欲暝人煙聚處見長亭西風若為分
疆域十月江南柳尚青

穹窿

天界芙蓉列岫分穹窿高絕氣氤氳靈點化渾
難覓回首亭亭悵白雲

彌陀巖

鐵壁重開紫竹林彌陀高擁石巖深斜欄獨倚聽
流水超忽悠然物外心

乙巳三月至濬北征

十載鄉愁兩渡河故人白髮半消磨今朝又是并
州別明月空亭夜思多

七夕

一歲相逢十二時相逢惜別意孜孜人間甚底無
窮事不似牽牛會有期

蘭江集卷之三

蘭江集卷之四

黎陽王在晉明初甫著

五言排律

山頂晚眺

嶺絕宜無地峯頭只有天日低風顛急氣暝霧帷
連浩廓山川透空濛境界全水明光瀲灩塔沒影
戔戔蒼樹皇州迥祥雲帝闕懸久看窺落照人在
夕暘邊

野燒

敗草資閑火蔓延浪自燒團團煨煖窖滾滾爇林
標煉石山留骨燎原地不毛雲屯連野竈煙燼障
寒窰荆棘餘平陸榛蕪闌草蔓無營藏雉兔何處
訪芻蕘疑作夷陵土秦灰望不遙

游臥佛寺

佛說常無我如來尚果因緣何長臥者偃息去來
真弗逐趨時眼全舒自在身法輪掌上轉花甲枕
邊新大夢誰能覺無縈豈解顰乾坤呼吸老世事
展翻頻萬態雙眸外千秋一息臻曲肱殊至樂露
袒未嫌貧貴介憑吾傲喧囂總不嗔渾淪窺妙悟
混沌足元神嗟爾浮沉輩遽然未寤人

宿香山寺

古刹雲端現浮屠樹杪懸宿霞時煉石暗谷夜泡
泉竹意當牕足嵐光入枕眠瀑花粘漱鉢蘿月伴
迹禪靜定滋閑草勤耕廣福田山芋供茗潔野菜
和羹鮮鐘鼓闍黎飯香燈貝葉篇業凡歸淨界勝
果證諸天境在身俱適心空樂自便可知塵網隔
一宿已超然

薄暮宦邸偶成

對燭成吾友拋書窈故知晝閑歸燕狎朝早報雞
遲割祿資駑騎添貧長隸廝勤官惟據案愛國欲
捐糜有客聊分寂無花足解頤踈星侵漏幌滿月
破虛帷孤影隨燈去悠然一夢思

八月雨後同王辰玉曹昭服觀潮

出郭滄洲渺潮深兩岸浮芙蓉夾浦水菰蔴望江
秋雨過濤聲急雲平莽色收萬流奔馬競九折怒
龍游雪浪遙成屋銀河頃出頭滄茫繞足練塵界

一虛舟玉鏡融清液冰弦弄海嘔息消應問候白
璧未須投

哭亡兄四十韻

余自武林歸與兄聚首兩閱月而兄病漸解也
余北行送之吳關愴然言別茲且成訣矣兄力
疾應郡試展卷優錄而兄已辭世益助人枚淚
不已悲楚之極寫之聲律時時詠歎拊膺酸鼻
卽不能形容百結聊以抒哀悰之萬一云爾
許久憐兄恙憂思徹夜煎眷言期造物冥隲可延

年浙會歸來日津頭權事竣友于忻旣翕同氣樂
如便手足忱偏篤投驩病較痊余心稍自慰兄意
亦超然兩月重分袂經春又客燕宦遊千里別心
事數行傳病膈兼虛揆多愁復繾綣去年猶健履
一疾遂纏綿京邸驚聞訃恓酸不自全斷猿腸似
寸傾峽涕如浚欲縮宜無地空號只問天寄言成
永訣覲面隔重泉少小攻鉛槧勤劬擅筆研文章
疑信命遭遘向多遭半百看駒隙千秋栩栩蝶翩青
衿身未老沒齒鬢猶玄力疾當場試虛名壓衆先

三生應有憾萬卷了無緣豈是尊生拙還疑大化
顛愴懷悲賦鵬染血效啼鶻穉子何年立家徒四
壁懸高堂垂眊眼兒女泣哽咽後事畱余在孤飛
悵獨憐鵲鷓中道散荆樹幾時妍郎署緣多事控
惚靡息肩業官慙五斗報母負三遷濡滯違初願
圖歸未得旋形神寤寐接骨肉死生牽坎坷情堪
念桑榆慮特專離羣宇宙濶弔影隻身偏苦海茫
無岸浮蹤總是煙吳關惆悵意人世別離筵風雨
花空發重雲月未圓音容悲夢後靄爽對風前去

住皆成幻存亡屬大千電光原易過石火片時燃
徒竭鮫人淚難搗楚客篇九京如可起何恤百身
捐

壽許年伯七十榮封

扶輿鍾間氣壽域誕遐年奕葉黔中舊源流白下
傳異材天意篤名誥力行全夔慄承顏順撝謙視
履旋贍貧甘產割嗜義樂金捐啓後箕裘振趨庭
詩禮研五株森茂桂雙璧長藍田許有五子長經
次君同科
學魁同榜公車喜比肩儼儀元並駕達适似爭先

卓異花封最清華翰苑僊蘭蓀芳郁郁雛鳳起翩
翩朱紫光萊服童顏近偃佺尚賓鄉祭酒序齒國
耆賢 綸綍承明下官階館閣前春秋當七袞
寵命是初宣椿老干霄漢河長貫壑川白庚南極
照紫誥北宸聯歲歲人僉祝稱觴第一篇

贈汝南汪氏時甫三十六韻

山嶽鍾靈異斯文起大梁創垂閑世澤繼述績書
香 昭代掄多士中州得二汪詞章擅伊洛經學
本羲皇橋梓魏科並箕裘奕葉芳阿翁登薦錄之

子并觀光大將專旗鼓前鋒試穎芒龍驤應緩轡
汗血更奔蹕遲速窺天意崢嶸識義方丑辰聯獻
對先後美明揚法曜邦刑屬皇華使命將同朝
瞻鳳翥異署列鸞行秉藻程全粵重綸出廟廊
品題元共地轍跡似相望宿德推留守英材藉贊
襄北門司鎖鑰西掖笈封章外內非殊域音容儼
一堂步趨真不改肖貌實逾常文正知名舊忠宣
衍脉長過庭時有訓筮仕永無忘古野敦儒素勤
渠戒斲荒恤孤囊罄底枕塊骨支床羸馬清曹吏

墩居執法郎平反懸朗鑒觸忌見神羊載典祠宗
重能令禮樂彰股肱思季布畿輔簡龔黃狐鼠授
城社魚然卻勢璫活人希道謹騰譽詠甘棠扶疾
猶親政居官弗問裝砭兒銘畫劍憶父痛循墻鄉
國榮尸祝春秋俎校庠老成留鼎業年少正霄昂
身沒餘清白生來顯異祥于公高第宅汲黯起淮
陽海潤分千壑鵬搏振積倉君看磨銛在贈與詰

嗣昌

汪氏父子同登鄉薦先後進士同典廣西試事有劍銘

七言排律

與衆亭

度嶺穿巖萬斛泉洞天小隱點華椽灌將靈液時
澆竹接得清冷學種蓮雨過杉梢饒爽氣雲生石
浦帶朝煙鳴湍若爲調絲管浮白元疑貢几筵玄
井澄秋看鯉出水簾飛瀑有龍旋淵源混混不知
處松檜亭亭莫計年千頃平鋪侵檻外兩峯長揖
拱尊前地當林曲幽偏絕樂與人同興自便聞說
湖南增勝槩新題應入舊遊篇

五言律

送客盧溝橋雨後歸

雨收日欲暝歸騎各憐疲草盡山餘骨天空樹媚
次女蟬聲愁不耐雀語聽爲嬉宮闕行看近雲霞向
北垂

登山

側足躋懸磴危哉勢欲顛芒鞋蒼蘚滑岸幘女蘿
牽六月寒生雨孤峯秀挿天眼空百物細四顧徒
茫然

夜宿碧雲寺二首

山居晝寂寞况值夜鐘深稠樹風為笛鳴泉水自
琴添衣防露落坐月伴蛩吟愁客鄉關意禪機莫
使侵

其二

禪寺孤樓旅空山聽暮笳掇香繡貝葉燒棘熟胡
麻半夜玄關透三更客夢賒意閒心自足老大竟
何嗟

山庄卽事

山居滋味薄強自度經年饑餐菰米飯渴飲清流

泉煮茗留客坐採藥換錢還床頭有明月枕石着
衣眠

賽天明寺塔

浮屠風作舍複道石為梯兀突星河落空穹日月
低禪光四極照 聖壽萬年齊無盡神州勝蒼茫
樹色迷

秋夜夢歸與老親法感別離之久醒來愴然
為憐華髮暮客夢遶孤闌如何千里返僅得片時
歸嘗因夢回夜仍着出門衣枕邊空暗淚不遣逐

魂飛

秋景

陽律銷金候清商已續絃碧梧連皓魄野水共晴
天蟋蟀隨風弄閑鳧伴月眠五湖煙景夜不罷釣
魚船

悲秋

水淨三江色梧飄一葉風蛩吟疑促曉露落欲寒
空破夢千家柝思歸萬里鴻幾多蕭瑟意都寄月
明中

遼師征倭裨將違制取劔

海外狼烽急天戈淨化城怒濤翻日浴續浪激雲
迎未入鯨鯢窟先摧草木兵百年休養士白刃夢
魂驚

贈南歸客

無奈傷秋客愀然獨送君停驂重分袂把盞惜離
群野邨孤燈寂窮途濁酒醺郊原黃葉盡旅思入
寒雲

與甯邑侯飲南山

南江集 卷之四
山城倚峭壁拙地縱奇觀
衛水澄秋練伍岡隱翠
盤漁郎窺一笠牧豎見彈丸
落照催尊急峯頭霧
欲漫

謁武穆岳王祠

泥馬扶皇祚金輿慘帝魂
二天悲五國一劍泣重
閣玄灝儲精魄明神痛覆盆
獨留青簡在猶與洩
忠冤

渡江題金山寺二首

巨壑乾坤絕孤巒吳楚通
海天浮石嶠水月渡蓮

宮飼翼傳經飽天花墜梵紅
盤根何所極獨立未
飄蓬

其二

水國清虛府江雲飄渺峯
禪津馴白鳥僧臆對青
松漁火灘頭爨潮音午際
鐘塵囂宜避此檣影動
魚龍

登鎮江山

天控連山站吞江鎖蜿蜒
浪花時漱石日母夜隨
溪洞僻僊餘蹟灘寒客到
船燕雲千里隔回首秣

陵煙

贈湯三守解任

循良三載譽清白百年心宦操澄冰月歸情付鶴
琴畏途饒素眼世路一黃金寂寂蒼松署思鳴聽
鳥音

贈方外

高人構精舍蕭然逸塵寰苔痕上尺壁松影侵禪
關飛鳥來無意白雲心自閒點頭悟頑石坐裏看
青山

贈僧遊補陀二首

言携物外侶海上覓真禪孤月千頃波碧雲萬里
天魚龍知護法鷗鳥自忘年眼底乾坤濶方知離
俗緣

其二

飛錫來荆楚扁舟赴落伽眼空滄海濶人去地天
遐桃李資行色春風拂舊袞蛟門談法後窮鳥有
天花

癸巳冬赴選吳門志別二首

竟日離亭酒臨歧意未央
易酣非飲劇難別為途
長一鴈千山月孤檣
萬里霜明朝知己盡回首
隔金閭

其二

吳門長發日燕宦始游年
未老先耽懶纔行便念
旋夢搖歌棹月愁惹搗衣
天迢遞川南迴看雲意
獨憐

渡江

渺邈江干廓風帆挂日懸
孤城雲水續雙嶼浪濤

顛滅沒蛟螭窟交關天地穿
秣陵依古岼金鼎帶
龍涎

沙河

夾岼沙明浦潏溪水暗流
不知人競渡自有月長
留地竅通汶北山根續
兗州顏橋行跡斷來往任
浮鷗

寒

凍玉流澌歇晴沙曝日明
迎暄人意豁怯冷鳥心
驚梅骨天香暗松姿晚翠
擎殮風行自足未許酒

五醒

寒夜對月

三五月當戶清光半襲梅寒颼門外勁短夜夢中
催寥落繁華眼荒涼濁酒杯故園何處是心與白
雲迴

重遊碧雲寺

曠覽當年足茲來續舊游尋常古佛面今昔老僧
頭僻洞煙霞勝清溪日月浮獨憐荒碣在蓬跡自
生愁

次灤城館續劉比部韻二首

去國催行色因歸記別時停雲懷遠岫待月對連
漪舊燕應思主新花未贈詩故園真有興莫負賞
心期

其二

吳水遙天際風塵傍帝居碧雲疑故侶脩竹是吾
廬學圃慚歲鳳詞淵長蠹魚種田千斗粟何事逐
徵車

初夏奉使馳驛

書求長安道暄風半入迷早醺疑宿酒午夢醒黃
鸝角吹花紛雨旌搖燕落泥何能堪授食疲馬復
栖栖

過關山

塊磊聊成徑潺湍小有河嶺雲邀客輦草雨膩山
阿雉穴鄰麋洞農謠間牧歌倦遊孤旅態日午看
鋤禾

時雨

農憂兼嘆潦梅熟半晴陰捍汲田家苦回生天地

心鳩鳴膏作澍龍見霖為霖不負菑畬望懽歌夜
雨金

村店阻雨

暫憇野人店江關隔幾郵客鄉一夜雨孤枕十千
愁白水橫塘岸蒼煙隱渡頭遠山猶未霽無語獨
登樓

歸

三月音書滯愁來思轉頻喜將歸後眼還看別時
人歲月新添鬢榮華老宿身為名堪顧養宦篋却

憐貧

雨中同周撫原游天竺寺

入越誇乾竺慙懃冒雨游三天雲水淨九里檜松
幽慧眼珠林照明光寶殿浮青山與禪意相對自
悠悠

月夜訪僧竹林清話以詩二謝我因次韻酬

之二首

有約過僧話清宵訪社行薜蘿寒見月水竹靜生
聲入座曇花映穿林鳥夢驚名詮談未解坐久伴

鐘鳴

其二

冷落叢林暮柴扉半自開虛堂清梵徹明月故人
來感別年三度譚空茗一杯恍疑天路近身傍碧
雲臺

僧居

高坐頻麾塵譚經問有緣鳥啼知護法花落為叅
禪水竹甘娛世藤蘿不記年碧潭清夜月別見一
方天

新竹

琅玕池畔竹翠集漸成林勁直能經晚清修可待
陰歲寒松栢友秋老鳳凰吟萬卉隨時歇凌霄仗
素心

夜過隆福寺

曲徑通名刹蕭蕭古木陰半山遙共寂勺水日供
吟夜月僧敲院杉風鳥出林依稀闌市隔不染俗
人心

過範菴山房分韻得關字

夕陽淒野寺有客叩禪關對影齋前樹忘機檻外
山風塵天地古日月老僧閒白眼長看世還悲壯
士顏

雪夜過禪堂

躡屐尋香積清騷結社鳴澹雲寒嶠出飛棹野橋
橫燈火千門夜山河萬里明高唵移朗坐前席聞
無生

楚開士冒雪歸杭口號援之

風浪江頭急飄然鼓別舷舊袈翻帶雪破笠暗冲

煙吳越同為客東南共一天暫時爭去住且莫效
迹禪

警變

白屋淒然陋洪鑪火爍金顛危知命劫仁愛識天
心軒冕悲塗炭風煙變古今定窺明鑒赫虢虢思
難任

秋日過僧居索贈

墻角藏精舍秋風半水隈竹從深處冷花為故人
開冗沓詩神拙心空世慮灰浮雲隨去住過眼莫

相猜

鏡機子善神仙果老術別我過京口索贈

愛爾神仙術相逢奈別何步推占四極謦咳落懸
河花甲輪中轉璣衡掌上多與君分席話世事半
嗟咤

遊淮雲寺

北極開龍藏煙雲擁上方林端發清磬殿角挂斜
陽松子迎風落巢鳥向客翔幾多幽曠意芳草對
空王

大柳道中

古驛落山根人煙望郭村牧樵隨處有鹿豕自成
昆泥雨封雲嶠溪流長谷蓀慢看岐徑合同入酒
家門

村店阻雨

蕭條行客路荒落主人窩草宿重留別星輶兩度
過鄉愁一夜破山雨半村多嘹唳傳初鴈其如旅
况何

滁南夜雨

上國重來使商滁兩度秋關河全夜夢風雨五更
愁簷馬催寒鐸隣雞速曉籌獨眠人意懶欹枕思
悠悠

次睢陽驛

野水鳴沙曲尋流逐晚津別離偏帶雨童僕亦憐
春千里單車使經年薄宦人星霜披歷慣衾影日
相親

途中述懷

茫茫天際廓原上莽煙滋過眼忽成別逢人不忍

辭但看經宿處重感昔游時長憶青萍侶愁聽白
苧詞

暮春

心事常憐客春殘思渺茫
蘚窺寒戶入花惹少年
香兀坐書連屋微吟燕逐梁
定知閨內日應爲捲
簾長

送戴廷評頒遺誥之浙閩

玉樹繁新露秋山障月暉
愁看帝子淚翻逐使臣
衣我自何年別人從萬里歸
驅車越閩路清夢遶

金微

中秋十六夜集鍾秘書齋分韻得清字

中宵纔已隔秋色倍澄清
此夜關山月難爲離別
情醉看霜劍舞閒狎野鷗
盟何處傳初雁蕭寥夢
不成

兩水河雪霽早發

丙申九月越望後二日

大行孝安皇太后梓宮進發

昭陵六飛衛從萬馬齊兢時
金氣始收嚴凝有待

乃漠然苦寒凍雪乍飛將士露棲野無宿草山
風吹人重裘若洗望茨廬而至止待晨星以披
衣頂顱欲剝就日如赴時或晴雲四開氛霾忽
作草枯簌簌萬籟叫號橫觀蒼莽黯而無容豈
其重臺之會不勝情耶蓋宇宙為之慘索有臨
風而助之泣者矣予備員執紼之役徃返之期
浹旬有二因以服勤之暇浪寄聲律以志戚焉
寒威一夜盡漠地散瓊瑤月照行營白風吹戰馬
驕祇疑天路近翻見玉塵遙慘澹關河色神宮助

一
寂寥

宿

昭陵神宮監馬公房

法宮森仗蹕草宿伴更殘嶺絕風逾峻山空月倍
寒馬嘶全待曉泉急轉流湍幾代神皇夢相依共
一壇

九陵衛士

簇仗遙分陣披霜凍骨蘇山寒不待臘朔氣近臨
胡陰壑連屯竈悲風入幕撫空林無宿火將士憶
醍醐

鞏華城晚眺

暮堞西風急孤城片月斜
戍樓過百尺茅屋未千家
荒草行宮歇青山故郭餘
盧龍煙火靜雲裏擁京華

登得勝口城遠眺

陰壑當山隙城頭迥寂寥
關茅纔是路入徑但逢樵
野堡荒煙斷胡關夜火消
華夷翻掌隔無藉角弓調

遊得勝口

捫葛穿厓屋探泉竟水源
山空木自發日夕鳥爭喧
滑石流沙渚荒煙古戍屯
龍岡紆委處遙落幾家村

天壽山中督工襍咏四首

古木亂陰繁饑鳥噪夕村
半山邀對戶一犬吠當門
種竹藏茅屋分泉灌果園
白頭人自老世事不須論

其二

出莽遙分嶺吟風水自潺
澗盃向涼樹駐馬對青

山車輅經行處
獲麝往還間
愛看田畝足
吾亦美而閒

其三

野水入蹊長
人煙隔渡忙
雨深山果熟
風細荳花香
紫氣通幽朔
靈原隱帝王
漢陵千古寂
無日不長楊

其四

濕雲連樹起
幽谷氣沉冥
石下水聲急
雨中山色青
碧潭時飲馬
虛幕夜流螢
煙草行宮寂
淒涼酒

乍醒

晚晴

新雨長蒲菰
桐陰半綠蕪
晴山晚來麗
翠色近看無
曲水通門徑
輕煙入幕幙
空林燈火寂
長伴月明孤

雨中述懷

三載蕭然態
無媒嘆路訛
風波日長滿
竹木問如何
夢為懷鄉亂
愁因聽雨多
白頭寥莫久
之子任蹉跎

新秋

兀坐秋山暮蕭然爽氣森水邊窺夜色草畔聽蟲
音蟬木涼生露鳥巢月度陰不辭酣睡足搔首未
加簪

石梯夜飲

席地妨青草流觴向石灘琵琶清夜曲遊冶少年
彈水氣侵衣薄山風送酒寒同來挾歸騎松下露
方溥

暮雨宿新井菴

白水衝塘坼荒原盡雨餘杉風四野夕秋氣半庭
虛燈火明長夜山僧歸敞廬不辭黃稷飯安問食
無魚

飛來峯

地聖偏增絕山靈自獻奇孤峯同逆旅萬劫總推
移洞闢門如削巖深路忽歧幾經人代易來往莫
猜疑

秋日題片雲亭

淨業當山麓新篁接徑幽片雲饒古意紅葉占高

枝樹杪遙分水湖天澹入樓薄言堪枕漱何地隱
浮丘

月夜

耻作誅求吏艱難翼息肩祇因官似水翻覺日如
年為國身多病拋親夢未全試看三五夜明月向
誰圓

萬松嶺見湖亭遠眺

荒亭倚孤磴草色自蒙叢秋遠開丹幅天低落彩
虹江流寬廓外村郭滅明中吾意凌風適山莫漠

地紅

巡歷安溪暫憇僧房推使者年來假宿小樓
晨發投香積卑車此暫留路迴青嶂合雲入大溪
流歲月虛禪榻山河足小樓往來游宦態都入老
僧眸

靜慈寺陪徐中丞飲晚泛舟回

白水帶晴沙長虹流晚霞雲霄一鳧鴈秋浦半蒹
葭寺擁南屏勝峯迴夕照斜上公前席近簫鼓幾
回賒

冬日同王涇谷農部飲龍井片雲亭分韻二首

飛瀑當簷際湖天一望開
亂煙和莽合宿雨送泉
來小洞通靈液孤雲落翠苔
悄寒頻進酒盡日共
登臺

其二

海日山門曉江空法界開
嶺迴千鎖合客有二王
來龍沫穿幽谷花香點繡苔
寒漪清氣徹鏡裏影
樓臺

韜光遠眺以奕佐飲

僊閣憑虛敞高山擁翠盤
捫蘿通曲處破竹引流
湍日月藩籬隔江湖地界寬
局殘天欲暝寒色滿
迴欄

芙蓉軒卽事

一年來一吏落莫伴空衙
石是前朝古庭無半畝
餘春光滿湖市竹色借鄰家
叢桂何人植人歸幾
度花

秋思

裘馬逾初願琴書憶舊遊宦情爭似水旅况不勝
秋楓葉因時變蟲聲徹夜愁故園松菊在農圃足
悠悠

玄帝閣

紫閣峩峩起星河手可捫玄虛凌世代浩大合乾
坤煙火千家集神工萬象尊恍疑璇極拱塵界淨
無渾

北地早寒

月落雞聲喔重煙障野圃北方先着冷楚客尚單

衣楓葉含霜色巢鳥愛早暉及時占氣候一鴈已
南飛

古寺

古殿煙消壁荒堦雨濕苔老僧禪定去飛鳥夜歸
來世事多興廢空門有劫灰眼前渾不着大塊摠
塵埃

日者李君索贈

拄杖跛能履譚玄擬若仙辟人兼異術矢口只先
天甲子幾凋換浮生揔代遷混元君自剖名理覺

超然

過沙河遇雨

炎蒸逼城市驅策望平原宿水沙明練荒煙雨過
屯林深啣日角天遠掛雲根十里陰晴隔栖鳥向
夕喧

蘭江集卷之四

